



文選正文

山子點

二

服部文庫
イ17
2066
3



117
2066
3

文選正文卷之二

賦類

吳都賦

左思

東吳王孫覿然而哈曰夫上圖景宿辯於天文者也下料物
 土析於地理者也古先帝世曾覽八紘之洪緒一六合而光
 宅翔集遐宇鳥策篆素玉牒石記焉聞梁岷有陟方之館行
 宮之基歟而吾子言蜀都之富禹同之有偉其區域美其林
 藪矜巴漢之阻則以為襲險之右徇蹲鴟之沃則以為世濟
 陽九齷齪而算固亦曲土之所歎也旁鬼而論都邑抑非大
 人之所壯觀也何則土壤不足以攝生山川不足以周衛公
 孫國之而破諸葛家之而滅茲乃喪亂之丘墟顛覆之軌轍



天振盪汪流雷抃重淵殷動宇宙胡可勝原島嶼懸邈洲渚
憑隆曠瞻迢遞迴眺冥蒙珍恠麗奇隙充徑路絕風雲通洪
桃屈盤丹桂灌叢瓊枝抗莖而敷葉珊瑚幽茂而玲瓏增岡
重阻列真之宇玉堂對靈石室相距藹藹翠幄孌孌素女江
婁於是往來海童於是宴語斯寔神妙之饗象嗟難得而覩
縷爾乃地勢坱圠卉木妖蔓遭敷爲圃值林爲苑異葍蔞蔞
夏擘冬僑方志所辯中州所羨草則藿蔞豆蔻薑藁非一江
離之屬海苔之類綸組紫絳食葛香茅石帆水松東風扶雷
布護臯澤蟬聯陵丘黃綠山嶽之岳巒歷江海之流汎白帶
銜朱黹鬱兮菴茂擘兮菲菲光色炫晃芬馥盼蠻職貢納其
包匭離騷詠其宿莽木則楓柙豫章栢欄枸榔綿杭柁櫨文

穰楨檀平仲君遷松梓古度楠櫛之木相思之樹宗生高岡
族茂幽阜擢本千尋垂蔭萬畝攢柯挈莖重葩掩葉輪菌虬
蟠鱗鱗接榮色雜糅綢繆繡宵露霑霽旭日晡時與風
飄颻颯颯瀏颯颯颯鳴條律暢飛音響亮蓋象琴筑并奏笙竽俱
唱其上則有猿父哀吟獬子長嘯狝鼯猓然騰趨飛超爭懸
接垂競遊遠枝驚透沸亂牢落聳散其下則有梟牟麕狼獾
踰羆象於菟之族犀兕之黨鈎爪鋸牙自成鋒穎精若曜星
聲若雷霆名載於山經形鏤於夏鼎其竹則篔簹林筵桂箭
杼筒柚梧有篁篔簹有叢苞筍抽節往往紫結綠葉翠莖冒
霜停雪櫛櫛森萃蕭蕭檀欒嬋娟玉潤碧鮮梢雲無以
踰嶰谷弗能連鸞鷲食其實鵠雛擾其間其果則丹橘餘甘

荔枝之林檳榔無柯柳葉無陰龍眼橄欖探樞榘榘霜結根比
景之陰列挺衡山之陽素花斐丹秀芳臨青壁係紫房鷓鴣
南翥而中畱孔雀綵羽而翱翔山雞歸飛而來棲翡翠列巢
以重行其琛賂則琨瑤之阜銅錯之垠火齊之寶駭鷄之珍
頰丹明璣金華銀樸紫貝流黃縹碧素玉隱賑歲變雜挿幽
屏精曜潛穎若陔山谷碕岸爲之不枯林木爲之潤黷隨侯
於是鄙其夜光宋王於是陋其結綠其荒陬夫譎詭則有龍穴
內蒸雲雨所儲陵鯉若獸浮石若桴雙則比日片則王餘窮
陸飲木極沈水居泉室潛織而卷綃淵客慷慨而泣珠開北
戶以向日齊南冥於幽都其四野則吟嘷無數膏腴兼倍原
隰殊品宸隆異等象耕鳥耘此之自與穉秀菰穗於是乎在

煮海爲鹽採山鑄錢國稅再熟之稻鄉貢八蠶之綿徒觀其
郊隧之內輿都邑之綱紀霸王之所根柢開國之所基址郭
周匝重城結隅通門二八水道陸衢所以經始用累千祀
也憲紫宮以營室廓廣庭之漫漫寒暑隔閔於邃宇虹蜺廻
帶於雲館所以跨時煥炳萬里也造姑蘇之高臺臨四遠而
特建帶潮汐之濬池佩長洲之茂苑窺東山之府則瓌寶溢
目觀海陵之倉則紅粟流行起寢廟於武昌作離宮於建業
闡闔閭之所營采夫差之遺法抗神龍之華殿施榮楯而捷
獵崇臨海之崔嵬飾赤鳥之曄曄東西膠葛南北崢嶸房櫳
對橫連閣相經閭闔譎詭異出奇名左稱彎崎右號臨研雕
樂鏤漆青瑣丹楹圖以雲氣畫以仙靈雖茲宅之夸麗曾未

足以少寧思比屋於傾宮畢結瑤而構瓊高闈有閼洞門方
軌朱闕雙立馳道如砥樹以青槐亘以綠水玄蔭眈眈清流
疊疊列寺七里俠棟陽路屯營櫺比廨署棊布橫塘查下邑
屋隆夸長干延屬飛薨舛互其居則有高門鼎貴魁岸豪傑
虞魏之昆顧陸之裔岐嶷繼體老成奕世躍馬疊跡朱輪累
轍陳兵而歸蘭綺內設冠蓋雲蔭閭閻噓其隣則有任俠
之靡輕詵之客締交翩翩儂從奕奕出躡珠履動以千百里
讌巷飲飛觴舉白翹關扛鼎拊觥壺博鄱陽暴謔中酒而作
於是樂只術而歡飲無匱都輦殷而四輿來暨水浮陸行方
舟結駟唱棹轉轂昧旦永日開市朝而普納橫闔闐而流溢
混品物而同塵并都鄙而為一士女佇聆工賈駢坐紵衣絺

服雜沓從萃輕輿按轡以經隧樓船舉颿而過肆果布輻湊
而常然致遠流離與珂瑛縹賄紛紜器用萬端金鎰磊砢珠
琲闌干桃笙象簞韜於筒中蕉葛升越弱於羅紈溜喜舉交貿相競誼譁嗶啞芬葩蔭映揮袖風飄而紅塵晝昏流汗
霏霏而中達泥濘富中之賸貨殖之選乘時射利財豐巨萬
競其區宇則并疆兼巷矜其宴居則珠服玉饌趨材悍壯此
焉比盧捷若慶忌勇若專諸危冠而出竦劔而趨扈帶鮫函
扶掄屬鏤藏鏹於人去戢自閭家有鶴膝戶有犀渠軍容蓄
用器械兼儲吳鈞越棘純鈎湛盧戎車盈於石城戈船掩於
江湖露往霜來日月其除草木節解鳥獸脂膚觀鷹隼誠征
夫坐組甲建祀姑命官帥而擁鐸將校獵乎具區烏許狼臙

夫南西屠僂耳黑齒之酋金鄰象郡之渠羈賊風高戰雲驚
捷先驅前途俞騎騁路指南司方出車輦輦被練鏘鏘吳王
乃由玉輅輶驕驕旗魚須常重光攝烏號佩干將羽毛揚
雄戟耀鉦貝胄象弭織文鳥章六軍袍服四騏龍驤峭格周
施置爵普張軍罕瑱結良蹠連綱陸以九疑禦以沅湘輪軒
蓼擾駁騎焜煌袒裊徒搏拔距投石之部猿臂駢脅狂慙獷
狻鷹睒鸚視參譚狷獠若離若合者相與騰躍乎莽畀之野
干鹵父鉞賜夷勃盧之旅長殺短兵直髮馳騁儼仝竝銜
枚無聲悠悠旆旌者相與聊浪乎昧莫之垆鉦鼓疊山火烈
燦林飛烟浮煙載霞載陰拉攏雷碾崩巒絕岑鳥不擇木獸
不擇音暴虺虺頽麋麋六駭追飛生彈鸞鵠射狻挺白雉

落黑鳩零陵絕嶠嶠聿越巉嶮踰竹栢獠掾杞構封狶
神螭掩剛鏃潤霜刃染於是弭節頓轡齊鑣駐驂徘徊倘佯
寓目幽蔚覽將帥之拳勇與士卒之抑揚羽族以觜距為刀
鉞毛羣以齒角為矛鉞皆體著而應卒所以挂挖而為創疖
衝跨而斷筋骨莫不衄銳挫鉉拉押摧藏雖有石林之岑嶠
請攘臂而靡之雖有雄虺之九首將抗足以趾之顛覆巢居
剖破窟宅仰攀鷄鷄俯蹴豺獾刮剖熊羆之室剽掠虎豹之
落猩猩啼而就擒萬萬笑而被格屠巴蛇出象豁斬鵬翼掩
質澤輕禽狡獸周章夷猶狼跋乎紕中忘其所以睽賜失其
所以去就覓褫氣懾而自踴跌者應弦而飲羽形饋景僵者
累積而增益雜襲錯繆傾數薄倒岬岫巖穴無研縱翳蒼無

鷹鷂思假道於豐隆披重霄而高狩籠鳥兔於日月窮飛走
之棲宿嶢澗閬岡岵童層累滿效獲衆迴靶乎行睨觀漁乎
二江汎舟航於彭蠡渾萬艘而既同弘舸連舳巨艦接艦飛
雲蓋海制非常模疊華樓而島峙時髣髴於方壺比鷁首之
有裕邁餘艖於往初張組惟構流蘇開軒幌鏡水區篙工楫
師選自閩禺習御長風狎翫靈胥責千里於寸陰聊先期而
須臾權謳唱簫籟鳴洪流響渚禽驚弋磻放稽鷓鴣虞機發
畱鷓鵲鈎餌縱橫網罟接緒術兼詹公巧傾任父筌鮪鱧鱧
鱸鱖鱉兩魴翼鯢鯢乘鱉鼃鼃同及共羅沈虎潛鹿弔龍伊
束徽鯨背中於羣犗橈槍暴出而相屬雖復臨河而釣鯉無
異射鮒於井谷結輕舟而競逐迎潮水而振緝想萍實之復

形訪靈夔於鮫人精衛銜石而遇繳文鯨夜飛而觸綸北山
亡其翎翼西海失其游鱗雕題之士鏤身之卒比飾虬龍蛟
螭與對簡其華質則壺費錦績料其虓勇則鵬悍狼戾相與
昧潛險搜瓊奇摸蟪蛄捫觜蠡剖巨蚌於回淵濯明月於漣
漪畢天下之至異訖無索而不臻谿壑爲之一罄川瀆爲之
中貧晒澹臺之見謀聊襲海而徇珍載漢女於後舟追晉賈
而同塵汨乘流以砰宕翼颶風之颯颯直衝濤而上瀨常浦
沛以悠悠汜可休而凱歸揖天吳與陽侯指包山而爲期集
洞庭而淹畱數軍實乎桂林之苑饗戎旅乎落星之樓置酒
若淮泗積肴若山丘飛輕軒而酌綠醕方雙轡而賦珍羞飲
烽起鼙鼓震士遺倦衆懷忻幸乎館娃之宮張女樂而娛羣

臣羅金石與絲竹若鈞天之下陳登東歌操南音胤陽阿詠
鞅任荆豔楚舞吳愉越吟翕習容裔靡靡惜惜若此者與夫
唱和之隆響動鐘磬之鏗聒有殷坻頽於前曲度難勝皆與
謠俗汁協律呂相應其奏樂也則木石潤色其吐哀也則凄
風暴興或超延露而駕辯或踰淥水而採菱軍馬弭髦而仰
秣淵魚竦鱗而上升酣清半八音并歡情留良辰征魯陽揮
戈而高麾迴曜靈於太清將轉西日而再中齊既往之精誠
昔者夏后氏朝羣臣於茲土而執玉帛者以萬國蓋亦先王
之所高會而四方之所軌則春秋之際要盟之主闔閭申其
威夫差窮其武內果伍員之謀外騁孫子之奇勝彊楚於栢
舉棲勁越於會稽闕溝乎商魯爭長於黃池徒以江湖險阻

物產殷充繞雷未足言其固鄭白未足語其豐士有陷堅之
銳俗有節概之風睡毗則挺劍喑鳴則鬻弓擁之者龍騰據
之者虎視麾城若振槁舉旗若顧指雖帶甲一朝而元功遠
致雖累葉百疊而富彊相繼樂滑衍其方域列仙集其土地
桂艾練形而易色赤須蟬蛻而附麗中夏比焉畢世罕見丹
青圖其象珍瑋貴其寶利也舜禹游焉沒齒而忘歸精靈留
其山阿翫其奇麗剖判庶土商權萬俗國有鬱鞅而顯敞邦
有湫阨而踳跼伊茲都之函弘傾神州而韞橫仰南斗以斟
酌兼二儀之優渥由此而揆之西蜀之於東吳小大之相絕
也亦猶棘林螢曜而與夫尋木龍燭也否泰之相背也亦猶
帝之懸解而與夫桎梏疏屬也庸可共世而論且細同年而

議豐确乎。暨其幽遐獨遠。寥廓閒奧。耳目之所不該。足趾之所不蹈。倜儻之極異。崛詭之殊事。藏理於終古。而未寤於前。究也。若吾子之所傳。孟浪之遺言。略舉其梗概。而未得其要妙也。

魏都賦

魏國先生有眸其容。乃盱衡而誥曰。昇乎交益之士。蓋音有楚夏者。土風之乖也。情有險易者。習俗之殊也。雖則生常固非自得之謂也。昔市南宜僚弄丸。而兩家之難解。聊為吾子復翫德音。以釋二客競於辯囿也。夫太極剖判。造化權輿。體兼晝夜。理包清濁。流而為江海。結而為山嶽。列宿分其野。荒裔帶其隅。巖岡潭淵。限蠻隔夷。峻危之竅也。蠻陬夷落。譯道

踏音并

而通者。鳥獸之氓也。正位居體者。以中夏為喉舌。不以邊陲為襟帶也。長世字疇者。以道德為藩。不以襲險為屏也。而子大夫之賢。尚弗曾庶翼等威。附麗皇極。思稟正朔。樂率貢職。而徒務於詭隨。匪民宴安於絕域。榮其文身。驕其險棘。繆默語之常倫。牽膠言而踰侈。飾華離以矜然。假偃疆而攘臂。非醇粹之方壯。謀躡駁於王義。孰愈尋靡。萍於中達。造沐猴於棘刺。劍閣雖瞭。憑之者蹶。非所以深根固蒂也。洞庭雖濬。負之者北。非所以愛人治國也。彼桑榆之末光。踰長庚之初暉。況河冀之爽塏。與江介之湫滄。故將語子以神州之略。赤縣之畿。魏都之卓犖。六合之樞機。于時運距陽九。漢網絕維。姦回內聳。兵纏紫微。翼翼京室。耽耽帝宇。巢焚原燎。變為煨燼。

故荆棘旅庭殷殷寰內繩繩八區鋒鏑縱橫化爲戰場故麋鹿寓城也伊洛榛曠嶠函荒蕪臨苗牢落鄆郢丘墟而是有魏開國之日締構之初萬邑譬焉亦猶犖麋之與子都培塿之與方壺也且魏土者畢昂之所應虞夏之餘人先王之桑梓列聖之遺塵考之四隈則八埏之中測之寒暑則霜露所鈞卜偃前識而賞其隆吳札聽歌而美其風雖則衰代而盛德形於管絃雖踰千祀而懷舊蘊於遐年爾其疆域則旁極齊秦結溱冀道開胷殷衛跨躡燕趙山林幽峽川澤廻繚恒碣嵒碣於青霄河汾浩泚而皓熒南瞻淇澳則綠竹純茂北臨漳滏則冬夏異沼神鈺迢遞於高巒靈響時驚於四表溫泉悲涌而自浪華清蕩邪而難老墨井鹽池玄滋素液厥田

曰深善作思

惟中厥壤惟白原隰昫昫墳衍斥斥或鬼壘而復陸或釐明而拓落乾坤交泰而烟熅嘉祥徽顯而豫作是以兆朕振古萌柢疇昔藏氣讖緯闕象竹帛迥時世而淵默應期運而光赫暨聖武之龍飛肇受命而光宅爰初自臻言占其良謀龜謀筮亦既允臧修其郭郭繕其城隍經始之制牢籠百土畫雍豫之居寫八都之宇鑿茅茨於陶唐察卑宮於夏禹古公草創而高門有闕宣王中興而築室百堵兼聖哲之軌并文質之狀商豐約而折中准當年而爲量思重爰摹大壯覽荀卿采蕭相偃拱木於林衡授全模於梓匠遐邇悅豫而子來工徒擬議而騁巧闡鈎繩之筌緒承一分之正要揆日畧考星耀建社稷作清廟築會宮以廻匝比岡隳而無陂造文昌

文選正文 卷之二

之廣殿極棟宇之弘規對若崇山崩起而崔嵬髣髴若玄雲舒
蜺以高垂環材巨世插塢參差粉椽複結樂榼疊施丹梁虹
申以竝巨朱桷森布而支離綺井列疏以懸帶華蓮重葩而
倒披齊龍首而涌雷時梗概於滌池旅楹間列暉鑿挾振棖
題黹黹階階嶙峋長庭砥平鐘簾夾陳風無纖埃雨無微津
巖巖北闕南端攸遵竦峭雙碣方駕比輪西關延秋東啓長
春用觀羣后觀享願賓左則中朝有絕聽政作寢匪樸匪斲
去泰去甚木無雕鏤土無締錦玄化所甄國風所稟於前則
宣明顯陽順德崇禮重闡洞出鏘鏘濟濟珍樹猗猗奇卉萋
萋蕙風如熏甘露如醴禁臺省中連闕對廊直事所詠典刑
所藏藹藹列侍金螭齊光詰朝陪幄納言有章亞以柱後執

驛音亦

瑞

法內侍符節謁者典璽儲吏膳夫有官藥劑有司肴醪順時
腠理則治於後則椒鶴文石永巷壺術楸梓木蘭次舍甲乙
西南其戶成之匪日丹青炳煥特有溫室儀刑宇宙曆象賢
聖圖以百端絳以藻詠茫茫終古此焉則鏡有虞作績茲亦
等競右則踈圃曲池下畹高堂蘭渚莓莓石瀨湯湯弱變係
實輕葉振芳奔龜躍魚有際呂梁馳道周屈於果下延閣亂
宇以經營飛陛方輦而徑西三臺列峙而崢嶸亢陽臺於陰
基擬華山之削成上累棟而重雷下冰室而沍冥周軒中天
丹墀臨焱增構峩峩清塵影影雲雀踈蹙而矯首壯翼摘鏤
於青霄雷雨窈冥而未半曦日籠光於綺寮習步頓以升降
御春服而逍遙八極可圍於寸眸萬物可齊於一朝長途牟

首豪傲互經畧漏肅唱明宵有程附以蘭綺宿以禁兵司衛
閑邪鉤陳罔驚於是崇墉濬洫嬰堞帶洙四門轍轡隆廈重
起憑太清以混成越埃壘而資始邈邈標危亭亭峻峙臨焦
原而弗悅誰勁捷而無猥與岡岑而永固非有期乎世紀陽
靈停曜於其表陰祗濛霧於其裏苑以玄武陪以幽林繚垣
開園觀宇相臨碩果灌叢園木竦尋篁篠懷風蒲桃結陰回
淵灌積水深兼葭贊萑蓊森丹藕凌波而的礫綠芰泛濤而
浸潭羽翮頡頏鱗介浮沈栖者擇木雉者擇音若咆渤澥與
姑餘常鳴鶴而在陰表清籟勒虞箴思國卹忘從禽樵蘇往
而無忌卽鹿縱而匪禁腓腓垌野奕奕菑畝甘茶伊蕞芒種
斯阜西門漑其前史起灌其後澄流十二同源異口蓄爲屯

雲泄爲行雨水澍稔稔陸蒔稷黍黝黝桑柘油麻紵均田
畫疇蕃廬錯列薑芋充茂桃李蔭翳家安其所而服美自悅
邑屋相望而隔踰奕世內則街衢輻湊朱闕結隅石柱飛梁
出控漳渠疏通溝以濱路羅青槐以蔭塗比滄浪而可濯方
步欄而有踰習習冠蓋莘莘蒸徒斑白不提行旅讓衢設官
分職營處署居夾之以府寺班之以里閭其府寺則位副三
事官踰六卿太常之號大理之名厦屋一揆華屏齊榮肅肅
階闕重門再扃師尹爰止止毗世作積其閭閻則長壽吉陽永
平思忠亦有戚里寘宮之東開出長者巷苞諸公都護之堂
殿居綺窻輿騎朝猥蹀屐其中營客館以周坊飾賓侶之所
集瑋豐樓之開閔起建安而首立葺牆幕室房廡雜襲劓劓

效選正文 卷之二
開撥匠斷積習廣成之傳無以儔豪街之邸不能及廓三市
而開塵籍平達而九達班列肆以兼羅設闐闐以襟帶濟有
無之常偏距日中而畢會抗旗亭之堯舜侈所眺之博大百
隧轂擊連軫萬貫憑軾捶馬袖幕紛半一八方而混同極風
采之異觀質劑平而交易刀布貿而無算財以工化賄以商
通難得之貨此則不容器周用而長務物肯窳而就攻不營
邪而豫賈著馴致之醇醲白藏之藏富有無隄同賑大內控
引世資寶帙積滯琛幣充牣關石之所和均財賦之所底慎
燕弧盈庫而委勁冀馬填廐而驅駿至乎勅敵糾紛庶土罔
寧聖武興言將曜威靈介胄重襲旌旗躍莖弓珣解繫矛鉞
飄英三屬之甲縵胡之纓控弦簡發妙擬更羸齊被練而鈺

戈襲偏裝以讚列畢出征而中律執奇正以四伐碩畫精通
日無匪制推鋒積紀鉞氣彌銳三接三捷既晝亦月剋翦方
命吞滅咆哮雲撒叛換席卷虜劉稜威八紘荒阻率由洗兵
海島刷馬江洲振旅鞫鞫反旆悠悠凱歸同飲疏爵普疇朝
無利印國無費畱喪亂旣弭而能宴武人歸獸而去戰蕭斧
戢柯以柙亦虹旌攝麾以就卷樹洪範酌典憲觀所恒通其
變上垂拱而司契下緣督而自勸道來斯貴利往則賤因置
寂寥京庾流衍於是東鯁卽序西傾順軌荆南懷德朔北思
建縣縣迥途驟山驟水襁負責贄重譁貢篚髻首之豪錄耳
之傑服其荒服欽衽魏闕置酒文昌高張宿設其夜未遽庭
燎晰晰有客祁祁載華載裔岌岌冠繼纍纍辨髮清醑如濟

效選正妙 卷之二
濁醪如河凍醴流澌溫耐躍波豐肴行行庖饘皤皤
醪酣滑無滓延廣樂奏九成冠韶夏冒六英五莖僧響起疑
震震天宇駭地廬驚億若大帝之所興作二嬴之所曾聆金
石絲竹之恒韻匏土革木之常調干戚羽旄之飾好清謳微
吟之要妙世業之所日用耳目之所聞覺雜綵紛錯兼該汎
博鞞鞞所掌之音韎昧任禁之曲以娛四夷之君以睦八荒
之俗既苗旣狩爰遊爰豫籍田以禮動大閱以義舉備法駕
理秋御顯文武之壯觀邁梁騶之所著林不槎枿澤不伐天
斧斨以時營網以道德連木理仁挺芝草皓獸爲之育藪丹
魚爲之生沼喬雲翔龍澤馬于阜山圖其石川形其實莫黑
匪鳥三趾而來儀莫赤匪狐九尾而自擾嘉穎離合以尊蒼

醴泉涌流而浩浩顯禎祥以曲成固觸物而兼造豈亦明靈
之所酬酢休徵之所偉兆收收率土遷善罔匱沐浴福應宅
心醴粹餘糧栖畝而弗收頌聲載路而洋溢河洛開奧符命
用出翩翩黃鳥銜書來訊人謀所尊鬼謀所秩劉宗委馭異
其神器闕玉策於金縢案圖錄於石室考歷數之所在察五
德之所蒞量寸旬消吉日陟中壇卽帝位改正朔易服色
絕世修廢職徽幟以變器械以革顯仁翌明藏用玄默菲言
厚行陶化染學讎校篆籀篇章畢覲優賢著於揚歷匪彘形
於親戚本枝別幹蕃屏皇家勇若任城才若東阿抗旂則威
發秋霜擄翰則華縱春葩英詰雄豪佐命帝室相兼二八將
猛四七赫赫震震開務有謚故令斯民覩泰階之平可比屋

而為一算祀有紀天祿有終傳業禪祚高謝萬邦皇恩綽矣
帝德冲矣讓其天下臣至公矣榮操行之獨得超百王之庸
庸追且卷領與結繩瞻畱重華而比蹤尊盧赫胥羲農有熊
雖自以為道洪化以為隆世篤玄同奚遠不能與之踵武而
齊其風是故料其建國析其法度諮其考室議其舉厝復之
而無斃申之而有裕非疏糲之士所能精非鄙俚之言所能
具至於山川之倬詭物產之魁殊或名奇而見稱或實異而
可書生生之所常厚洵美之所不渝其中則有鴛鴦交谷虎
澗龍山掘鯉之淀蓋節之淵狶狶精衛銜木償怨常山平子
鉅鹿河間列真非一往往出焉昌容練色犢配眉連玄俗無
影木羽偶仙琴高沈水而不濡時乘赤鯉而周旋降門使火

以驗術故將去而林燔易陽壯容衛之稚質邯鄲躑步趙之
鳴瑟真定之黎故安之栗醇酎中山流酒干日淇洹之荀信
都之棗雍丘之梁清流之稻錦繡襄邑羅綺朝歌絲纊房子
縑總清河若此之屬繁富夥够非可單究是以抑而未罄也
蓋比物以錯辭述清都之間麗雖選言以簡章徒九復而遺
音覽大易與春秋判殊隱而一致未上林之噴牆本前修以
作系其軍容弗犯信其果毅糾華綬戎以戴公室元勳配管
敬之績歌鐘析邦君之肆則魏絳之賢有令聞也開居臨巷
室通心遐富仁寵義職競弗羅千乘為之軼廬諸侯為之止
戈則干木之德自解紛也貴非吾尊重士踰山親御監門謙
謙同軒擗秦起趙威振八蕃則信陵之名若蘭芬也英辯榮

枯能濟其厄位加將相室隙之策四海齊鋒一口所敵則張
儀張祿亦足云也。摧惟庸蜀與雒鵠同窠。句吳與鼃鼉同穴。
一自以爲禽鳥。一自以爲魚鼈。山阜猥積而崎嶇。泉流迸集
而呖咽。隰壤瀝漏而沮洳。林藪石雷而蕪穢。窮岫泄雲。日月
恒翳。宅土煊暑。封疆障厲。蔡莽螫刺。昆蟲毒噬。漢罪流禦。秦
餘徙烈。宵貌最陋。稟質遼脆。巷無村首。里罕耆耄。或懸髻石
左言。或鑊膚而鑽髮。或明發而耀歌。或浮泳而卒歲。風俗以
壑。慄爲殫。人物以殘。害爲藝。威儀所不攝。憲章所不綴。由重
山之束阨。因長川之裾勢。距遠關以闕闕。時高櫟而陞制。薄
戍絲罽。無異蛛蝥之網。弱卒瑣甲。無異螳螂之衛。與先代而
常然。雖信險而勦絕。揆既往之前跡。卽將來之後。成成都迄

已傾覆。建業則亦顛沛。顧非累卵於壘基焉。至觀形而懷懼。
權假日以餘榮。比朝華而菴藹。覽麥秀與黍離。可作話於吳
會。先生之言未卒。吳蜀二客矍然相顧。瞭焉失所有。覩膏容
神藻。形茹弛氣。離坐。典墨而謝曰。僕黨清。在休迫閩。濶習藝
蟲之忘辛。翫進退之惟谷。非常寐而無覺。不覩皇輿之軌躅。
過以汎剽之單惠。歷執古之醇聽。兼重性以貽繆。倘辰光而
罔定。先生玄識深頌。靡測得聞。上德之至盛。匪同憂於有聖。
抑若春霆發響。而驚蟄飛競。潛龍浮景。而幽泉高鏡。雖星有
風雨之好。人有異同之性。庶覲部家。與剝廬。非蘇世而居正。
且夫寒谷豐黍。吹律以暖之也。昏情爽曙。箴規以顯之也。雖
明珠兼寸。尺璧有盈。曜車二六。三傾五城。未若申錫典章之

為遠也。亮曰：日不雙麗，世無兩帝。天經地緯，理有大歸。安得齊給守其小辯也哉。

甘泉賦 并序

楊雄

孝成帝時，客有薦雄。文似相如者，上方郊祀甘泉，泰畤汾陰，后土，以求繼嗣。召雄待詔承明之庭。正月，從上甘泉，還奏甘泉賦以風其辭曰：

惟漢十世，將郊上玄。定泰畤，擁神休，尊明號，同符三皇。錄功五帝，郵胤錫羨，拓迹開統。於是乃命羣僚，歷吉日，協靈辰。星陳而天行，詔招搖與太陰。兮伏鈞陳，使當兵，屬堪輿，以壁壘。兮捐夔魑，而扶猶狂。八神奔而警蹕，兮振殷鑠，而軍裝。蚩尤之倫，帶干將而秉玉戚。兮飛蒙茸而走陸梁，齊總總以搏搏。

其相膠轕兮，焱駭雲迅奮。以方攘駢羅，列布鱗以雜沓兮。傑儻參差，魚頡而鳥眈。翕赫宵霍，霧集而蒙合兮。半散照爛，粲以成章。於是乘輿迺登，夫鳳凰兮。而翳華芝，駟蒼螭兮。六素虬螭，畧蕤綏。灑虜疹，纏帥爾陰閉。雲然陽開，騰清霄而軼浮景兮。夫何煥旒，郅偲之旖旎也。流星旄以電爚兮，咸翠蓋而鸞旗屯。萬騎於中營兮，方玉車之千乘。聲駢隱以陸離兮，超先疾雷而馭遺風。臨高衍之崿嶷兮，超紆譎之清澄。登榑欒而班天門兮，馳閭闔而入凌兢。是時未臻夫甘泉也，乃望通天之繹繹，下陰潛以慘慄兮。上洪紛而相錯，直嶢嶢以造天兮。厥高慶而不可乎彌度，平原唐其壇漫兮。列新萐於林薄，積并閭與芟藉兮。紛被麗其亡鄂，崇丘陵之駸駸兮。深溝欽

懷善作商

巖而為谷。選選離宮。般以相燭兮。封巒石關。地靡乎連屬於。是大廈雲。譎波詭。摧唯而成觀。仰矯首以高視兮。目瞑眴而無見。正瀏濫以弘愴兮。指東西之漫漫。徘徊以徨徨兮。竟鬼眇眇而昏亂。據軫軒而周流兮。忽缺北而無垠。翠玉樹之青蔥兮。壁馬犀之璘璠。金人仡仡其承鐘。虞兮。嵌巖巖其龍鱗。揚光曜之燎燭兮。垂景炎之忻忻。配帝居之懸圖兮。象素壹之威神。洪臺崛其獨出兮。傲北極之嶸嶸。列宿乃施於上。榮兮。日月纒經於杳杳。雷鬱律於巖窅兮。電倏忽於牆藩。鬼魅不能自逮兮。半長途而下顛。歷倒景而絕飛梁兮。浮蛟蠖而擲天左。櫓槍而右玄冥兮。前燁闕而後應門。陰西海與幽都兮。涌醴汨以生川。蛟龍連蜷於東厓兮。白虎敦圉乎崑崙。

突
善作愛
與突同

披与披同

覽穆流於高光兮。溶彷徨於西青。前殿崔巍兮。和氏玲瓏。抗浮柱之飛榱兮。神莫莫而扶傾。閭闔其寥廓兮。似紫宮之崢嶸。駢交錯而曼衍兮。暖嶰峴乎其相嬰。乘雲閣而上下兮。紛蒙籠以混成。曳紅采之流離兮。颺翠氣之宛延。襲琬室與傾宮兮。若登高眇遠。亡國肅乎臨淵。迴焱肆其礪駭兮。披桂椒而鬱移楊。香芬弗以亨隆兮。擊薄櫨而將榮。薌咲盼以規批兮。聲駢隱而歷鐘。排玉戶而颺金鋪兮。發蘭蕙與芎藭。惟彌環其拂汨兮。稍暗暗而靚深陰。陽清濁穆羽相和兮。若夔牙之調琴。般倕棄其剗剗兮。王繭投其鈎繩。雖方征僑與倕。佺兮。猶彷彿其若夢。於是事變物化。目駭耳回。蓋天子穆然。珍臺間館。琬題玉英。蠶蛸蠖濩之中。惟夫所以澄心清寃。儲

蠶五臣作蠶音

文選卷之二十一

卷之二十一

精垂恩感動天地逆蓬二神者乃搜述索偶臯伊之徒冠倫
魁能函甘棠之惠挾東征之意相與齊乎陽靈之宮靡薜荔
而為席兮折瓊枝以為芳翥清雲之流霞兮飲若木之露英
集乎禮神之囿登乎頌祇之堂建光耀之長旂兮昭華覆之
威威攀璇璣而下視兮行遊日乎三危陳敷車於東阮兮肆
玉軼而下馳漂龍淵而還九垓兮窺地底而上迴風從從而
扶轄兮鸞鳳紛其銜蕤梁弱水之湍淡兮躡不周之逶迤想
西王母欣然而上壽兮屏玉女而却宓妃玉女亡所眺其清
驢兮宓妃曾不得施其娥眉方攬道德之精剛兮侔神明與
之為資於是欽柴宗祈燎薰皇天臯搖泰壹舉洪頤樹靈旗
樵蒸焜土配黎四施東燭滄海西耀流沙北熿幽都南煬丹

厓玄瓚鯀鯀和噎泔淡盼蠶豐融懿懿芬芬焱感黃龍兮燦
訛碩麟選巫咸兮叫帝關開天庭兮延羣神儼暗藹兮降清
壇瑞穰穰兮委如山於是事畢功弘迴車而歸度三巒兮偃
棠梨天閭決兮地垠開八荒協兮萬國諧登長平兮雷鼓
天聲起兮勇士厲雲飛揚兮雨滂沛于胥德兮麗萬世亂曰
崇崇圖丘隆隱天兮登降崩施單堦垣兮增宮參差駢嗟峨
兮嶺營嶙峋洞無厓兮上天之緯杳旭卉兮聖皇穆穆信厥
對兮徠祇郊禋神所依兮徘徊招搖靈棲遲兮輝光眩耀降
厥福兮子子孫孫長無極兮

籍田賦

潘岳

伊晉之四年正月丁未皇帝親率羣后籍於千畝之甸禮也

接遲五臣作正
遲即接遲

於是乃使甸師清畿野廬掃路封人墳宮掌舍設極青壇蔚
其嶽立兮翠幕黝以雲布結崇基之靈址兮故四塗之廣阼
沃野墳腴膏壤平砥清洛濁渠引流激水遐阡繩直邇陌如
矢總轡服于縹軛兮紺轅綴於黛帑儼儲駕於屋左兮俟萬
乘之躬履百僚先置位以職分自上下下具惟命臣襲春服
之萋萋兮接游車之鱗鱗微風生於輕幘兮織埃起於朱輪
森奉璋以階列兮望皇軒而肅震若湛露之晞朝陽兮衆星
之拱北辰也於是前驅魚麗屬車鱗萃閭闔洞啟參塗方駟
常伯陪乘太僕秉轡后妃獻種稂之種司農撰播殖之器挈
壺掌升降之節宮正設門閭之蹕天子乃御玉輦蔭華蓋衛
牙錚鎗綃紈絳繅金根照耀以炯晃兮龍驤騰驤而沛艾表

朱玄於離坎飛青縞於震兌中黃晬以發暉兮方綵紛其繁
會五輅鳴鑾九旗揚旒瓊鉞入藻雲罕晡藹藹管嘯嘒以啾
嘈兮鼓鞀砢隱以砰礚筍虛疑以軒翥兮洪鐘越乎區外震
震填填塵鷲連天以幸乎籍田蟬冕頰以灼灼兮碧色肅其
芊芊似夜光之剖荆璞兮若茂松之依山巔也於是我皇乃
降靈壇撫御耦游場染履洪縻在手三推而舍庶人終畝貴
賤以班或五或九于斯時也居靡都鄙民無華裔長幼雜選
以交集士女頒斌而咸戾被褐振裾垂髻總髻躡踵側肩倚
裳連袂黃塵爲之四合兮陽光爲之潛翳動容發音而觀者
莫不抃舞乎康衢謳吟乎聖世情欣樂乎昏作兮慮盡力平
樹藝靡推督而常勤兮莫之課而自勵躬先勞以悅使兮豈

嚴刑而猛制。故有邑老田父。或進而稱曰。蓋損益隨時。理有常然。高以下為基。民以食為天。正其末者。端其本。善其後者。慎其先。夫九土之宜。弗任四人之務。不一野有菜蔬之色。朝靡代耕之秩。無儲蓄以虞災。徒望歲以自畢。三季之衰。皆此物也。今聖上昧且不顯。夕惕若慄。圖置於豐。防儉於逸。欽哉。欽哉。惟穀之恤。展三時之弘務。致倉廩於盈溢。固堯湯之用。心而存救之要術也。若乃廟祧有事。祝宗誦日。簠簋普淖。則此之自實。縮鬯蕭茅。又於是乎。出黍稷馨香。旨酒嘉粟。宜其民和年登。而神降之吉也。古人有言曰。聖人之德。無以加於孝乎。夫孝者。天地之性。人之所由靈也。昔者明王以孝理天下。其或繼之者。鮮哉。希矣。逮我皇晉。實光斯道。儀刑乎千萬。

國愛敬盡於祖考。故躬稼以供粢盛。所以致孝也。勸穡以足百姓。所以固本也。能本而孝。盛德人業至矣哉。此一役也。而二美具焉。不亦遠乎。不亦重乎。敢作頌曰。思樂甸畿。薄採其茅。大君戾止。言籍其農。其農二推。萬方以祇。振我公田。實及我私。我簠斯盛。我簋斯齊。我倉如陵。我庾如坻。念茲在茲。永言孝思。民力普存。祝史正辭。神祇攸歆。逸豫無期。一人有慶。兆民賴之。

子虛賦

司馬相如

楚使子虛使於齊。齊王悉發車騎。與使者出畋。畋罷。子虛過詫。烏有先生亡。是公存焉。坐定。烏有先生問曰。今日畋樂乎。子虛曰。樂獲多乎。曰。少。然則何樂。對曰。僕樂齊王之欲誇僕。

以車騎之衆。而僕對以雲夢之事也。曰可得聞乎。曰虛曰可。王駕車千乘。選徒萬騎。畋於海濱。列卒滿澤。采網彌山。掩鹿麟。射麋脚。麟。鴛於鹽浦。割鮮染輪。射中獲多。矜而自功。顧謂僕曰。楚亦有平原廣澤。遊獵之地。饒樂若此者乎。楚王之獵。孰與寡人乎。僕下車對曰。臣。楚國之鄙人也。幸得宿衛。十有餘年。時從出遊。遊於後園。覽於有無。然猶未能徧覩也。又焉足以言其外澤乎。齊王曰。雖然。略以子之所聞見而言之。僕對曰。唯唯。臣聞楚有七澤。嘗見其一。未覩其餘也。臣之所見。蓋特其小小者耳。名曰雲夢。雲夢者。方九百里。其中有山焉。其山則盤紆弗鬱。隆崇聳峯。岑崟參差。日月蔽虧。交錯糾紛。上干青雲。罷池陂陀。下屬江河。其土則丹青赭堊。雌黃白

垺。錫碧金銀。衆色炫燿。照爛龍鱗。其石則赤玉玫瑰。琳瑯昆吾。玳瑁玄鴈。礪石砥砢。其東則有蕙圃。蘅蘭芷若。芎藭菖蒲。汪漭蘼蕪。諸柘巴苴。其南則有平原廣澤。登降陁靡。案衍壇曼。緣以大江。限以巫山。其高燥則生葦菰苞荔。薛莎青蘋。其埤濕則生藏蓂蒹葭。東牆雕胡。蓮藕菰蘆。菴闔軒于。衆物居之。不可勝圖。其西則有涌泉清池。激水推移。外發芙蓉菱華。內隱鉅石白沙。其中則有神龜蛟鼉。瑤璫鼈鼉。其北則有陰林巨樹。梗柎豫樟。桂椒木蘭。檠離朱楊。檀梨栲栗。橘柚芬芳。其上則有鵞鷓孔鸞。騰遠射于。其下則有白虎玄豹。蝮蛇羆豸。於是乎乃使專諸之倫。手格此獸。楚王乃駕馴駁之駟。乘雕玉之輿。靡魚鱗之橈。旃曳明月之珠旗。建干將之雄戟。左

烏號之雕弓，右夏服之勁箭。陽子驂乘，娥阿爲御。案節未舒，卽陵狡獸。楚蚤蚤麟距，虛軼野馬。聽駒駘乘，遺風射游。騏駼，仰倩冽雷，動衆至。星流霆擊，弓不虛發。中必決眦，洞胷達掖。絕乎心繫，獲若兩獸。揜草蔽地，於是楚王乃弭節徘徊，翔翔容與。覽乎陰林，觀壯士之暴怒，與猛獸之恐懼。微執受誅，殫覩衆物之變態。於是鄭女曼姬，被阿緡揜，紵編雜織，羅垂霧縠。裳積褰縐，紆徐委曲。鬱橈谿谷，紛紛裊裊。揚袍戍削，蜚纖垂髻。扶輿猗靡，翕呷萃蔡。下縻蘭蕙，上拂羽蓋。錯翡翠之歲，綈繆繞玉綬。眇眇忽忽，若神仙之髮鬢。於是乃相與獠於蕙圃，嬖姍勃窣而上。乎金隄揜翡翠，射駿驥。微增出織，綴施弋白鶴，連爲鷺雙。鶴下玄鶴，加急而後發。游於清池，浮文鷁揚。

旌棧張翠帷，建羽蓋。網瑇瑁，鉤紫貝。縱金鼓，吹鳴籟。榜人歌聲流喝，水蟲駭波。鴻沸涌泉起，奔物會礪。石相擊，硠硠磔磔。若雷霆之聲聞乎數百里之外。將息獠者，擊靈鼓，起烽燧。車案行，騎就隊，纏乎淫淫。般乎齋齋。於是楚王乃登雲陽之臺，泊乎無爲淡乎。自持勺藥之和具，而後御之。不若大王終日馳騁，曾不下輿。肝割輪焯，自以爲娛。娛臣竊觀之，齊殆不如。於是齊王無以應僕也。烏有先生曰：是何言之過也。足下不遠千里來，覲齊國王，悉發境內之士，備車騎之衆，與使者出畋。乃欲戮力致獲，以娛左右。何名爲夸哉。問楚地之有無者，願聞大國之風烈。先生之餘論也。今足下不稱楚王之德厚，而盛推雲夢以爲高奢，言淫樂而顯侈靡，竊爲足下不取也。必

若所言固非楚國之美也。有而言之，是彰君之惡，無而言之，是害足下之信。彰君之惡而傷私義，二者無一可而先生行之。必且輕於齊而累於楚矣。且齊東渚鉅海，南有琅邪，觀乎成山，射乎之罘，浮渤海，游孟諸，邪與肅慎為鄰，右以陽谷為界，秋田乎青丘，徬徨乎海外，吞若雲夢者八九，於其智中，曾不帶芥。若乃倣儻瑰瑋，異方殊類，珍恠鳥獸，萬端鱗鱗，充牣其中，不可勝記。禹不能名，禹不能計。然在諸侯之位，不敢言遊戲之樂，苑囿之大。先生又見客，是以王辭不復，何為無以應哉。

上林賦

司馬相如

亡。是公听然而笑曰：楚則失矣，而齊亦未為得也。夫使諸侯

納貢者，非為財幣，所以述職也。封疆畫界者，非為守禦，所以禁淫也。今齊列為東藩，而外私肅慎，捐國踰限，越海而田，其於義固未可也。且夫二君之論，不務明君臣之義，正諸侯之禮，徒事爭遊戲之樂，苑囿之大，欲以奢侈相勝，荒淫相越，此不可以揚名發譽而適足以貶君自損也。且夫齊楚之事，又焉足道乎？君未覩夫巨麗也，獨不聞天子之上林乎？左蒼梧，右西極，丹水更其南，紫淵徑其北，終始灞澹，出入涇渭，鄠鵠漑，滴紆餘委蛇，經營乎其內，蕩蕩乎八川分流，相背而異態。東西南北，馳騫往來，出乎椒丘之闕，行乎洲淤之浦，經乎桂林之中，過乎泱泱之壑，汨乎混流，順阿而下，赴隘隘之口，觸穹石，激堆埼，沸乎暴怒，洶湧彭湃，湔沸沓汨，偁側泌瀄，橫流

文選正文

卷之三

上林賦

司馬相如

屬步欄周流。長途中宿夷。巖築堂累臺。增成巖窳。洞房俯杳。眇而無見。仰攀縹而捫天。奔星更於閨闈。宛虹地於楯軒。青龍蚴蟉於東廂。象輿婉暉於西清。靈囿燕於間館。偃佺之倫。暴於南榮。醴泉涌於清室。通川過於中庭。盤石振崖。嶽巖倚傾。嵯峨嶻嶭。刻削崢嶸。玫瑰碧琳。珊瑚叢生。璿玉旁唐。玢幽文鱗。赤瑕駁犖。雜甫其間。晁采琬琰。和氏出焉。於是乎盧橘夏熟。黃甘橙檟。枇杷撚柿。檉柰厚朴。棗楊梅櫻桃蒲萄。隱夫莫棗。荅選離支。羅乎後宮。列於北園。馳丘陵下。平原揚翠葉。抗紫莖發紅華。垂朱榮煌煌。扈扈照曜。鉅野沙棠。櫟楸華。楓枅櫨。畱落胥邪。仁頻栢。閭欒檀木。蘭豫章女貞。長千仞大連抱。夸條直暢。實葉後林。攢立叢倚。連卷穉脆。崔錯發。飢坑

抗五臣作打

亂古季字

案古里字

格

衡間。碩垂條扶疎。落英幡灑。紛溶飭參。倚狔從風。瀏莅卉欵。蓋象金石之聲。管籥之音。傑池此虎。旋還乎後宮。雜襲素韞。被山緣谷。循坂下隰。視之無端。究之無窮。於是乎玄猿素雌。蟬攫飛蠅。蛭蝟蠖。猱獠。獬胡。穀蛇。棲息乎其間。長嘯哀鳴。翩幡互經。天蟠枝格。偃蹇杪顛。踰絕梁。騰殊榛。捷垂條。掉希間。牢落陸離。爛熳遠遷。若此者。數百千處。娛游往來。官宿館舍。庖廚不徙。後宮不移。百官備具。於是乎背秋涉冬。天子校獵。乘鏤象六玉虬。拖蜺旌。靡雲旗。前皮軒。後道游。孫叔奉轡。衛公參乘。扈從橫行。出乎四技之中。鼓嚴鑼。縱獠者。江河為陸。泰山為櫓。車騎雷起。殷天動地。先後陸離。離散別追。淫淫裔裔。緣陵流澤。雲布雨施。生貔豹。搏豺狼。手熊羆。足壘牟。蒙鶡蘇

薄

文選正文卷之二

二十六

參乘

文選正文卷之二
綺白虎被斑文跨野馬凌三巖之危下磧歷之坻徑峻赴險
越壑厲水椎飛廉弄獬豸格蝦蛤鋌猛氏霜駮射封不箭
不苟害解脰陷腦弓不虛發應聲而倒於是乎乘輿弭節徘徊
翱翔往來睨部曲之進退覽將帥之變態然後浸淫促節
儵負遠去流離輕禽楚履狡獸噤白鹿捷狡兔軼赤電遺光
耀追怪物出宇宙鸞蕃弱滿白羽射游梟櫟飛遠擇肉而後
發先中而命處弦矢分藝殪仆然後揚節而上浮凌驚風歷
駭焱乘虛無與神俱躡玄鶴亂昆鷄遁孔鸞促鷄鷄拂翳鳥
拍鳳凰捷鷓鴣揜焦朋道盡途殫迴車而還招搖乎儀佯降
集乎北紘率乎直指晦乎反鄉歷石關歷封巒過鳩鵲望露
寒下棠黎息宜春西馳宜曲濯鷁牛首登龍臺掩細柳觀士

鈞疑鈞字
善注本作
均

大夫之勤略鈞獵者之所得獲徒車之所輔轆步騎之所蹂
若人臣之所蹈籍與其窮極倦劬驚憚警伏不被創刃而死
者他他藉藉填坑滿谷掩平彌澤於是乎游戲懈怠置酒乎
顯天之臺張樂乎膠葛之寓撞千石之鐘立萬石之虞建翠
華之旗樹靈鼉之鼓奏陶唐氏之舞聽葛天氏之歌千人偃
萬人和山陵為之震動川谷為之蕩波巴渝宋蔡淮南于遮
文成顛歌族居遞奏金鼓迭起鏗鎗闐鞀洞心駭耳荆吳鄭
衛之聲韶濩武象之樂陰淫案衍之音鄢郢繽紛激楚結風
俳優侏儒狄鞮之倡所以娛耳目樂心意者麗靡爛熳於前
靡曼美色於後若夫青琴宓妃之徒絕殊離俗妖冶媚都靚
粧刻飾便嬛綽約柔撓嫋嫋嫵媚纖弱曳獨繭之綸視眇閭

易以卹制便姍。繁屑與俗殊。服芬芳。漚鬱酷烈。淑郁皓齒。粲爛宜笑的。樂長眉連娟。微睇綿藐。色授覓與。心愉於側。於是酒中樂酣。天子芒然而思。似若有亡。曰嗟乎此。太奢侈。朕以覽聽餘閒。無事棄日。順天道以殺伐。時休息於此。恐後葉靡麗。遂往而不返。非所以爲繼嗣創業垂統也。於是乎乃解酒罷獵。而命有司曰。地可墾闢。悉爲農郊。以贍萌隸。頽牆填塹。使山澤之人得至焉。實陂池而勿禁。虛宮館而勿牝。發倉廩以救貧窮。補不足。恤鰥寡。存孤獨。出德號。省刑罰。改制度。易服色。革正朔。與天下爲更始。於是歷吉日。以齋戒。襲朝服。乘法駕。建華旗。鳴玉鑾。游乎六藝之囿。馳騫乎仁義之塗。覽觀春秋之林。射狸狌。兼騶虞。弋玄鶴。舞干戚。載雲罕。揜羣雅。悲伐檀。樂樂。脩容乎禮園。翱翔乎書圃。述易道。放恠獸。登明堂。坐清廟。次羣臣。奏得失。四海之內。靡不受獲。於斯之時。天下大說。向風而聽。隨流而化。焯然興道。而遷義。刑錯而不用。德隆於三王。而功羨於五帝。若此。故獵乃可喜也。若夫終日馳騁。勞神苦形。罷車馬之用。抗士卒之精。費府庫之財。而無德厚之恩。務在獨樂。不顧衆庶。忘國家之政。貪雉兔之獲。則仁者不繇也。從此觀之。齊楚之事。豈不哀哉。地方不過千里。而囿居九百。是草木不得墾闢。而民無所食也。夫以諸侯之細。而樂萬乘之侈。僕恐百姓被其尤也。於是二子愀然改容。超若自失。逡巡避席。曰鄙人固陋。不知忌諱。乃今日見教。謹受命矣。

羽獵賦 并序

楊雄

孝成帝時羽獵雄從以爲昔在二帝三王宮館臺榭沼池苑
囿林麓藪澤財足以奉郊廟御賓客充庖廚而已不奪百姓
膏腴國土桑柘之地女有餘布男有餘粟國家殷富上下交
足故甘露零其庭醴泉流其唐鳳凰巢其樹黃龍游其沼麒
麟臻其囿神爵棲其林昔者禹任益虞而上下和草木茂成
湯好田而天下用足文王囿百里民以爲尚小齊宣王囿四
十里民以爲泰大裕民之與奪民也武帝廣開上林東南至
宜春鼎湖御宿昆吾旁南山西至長楊五柞北繞黃山濱渭
而東周袤數百里穿昆明池象滇河營建章鳳闕神明駁娑
漸臺太液象海水周流方丈瀛洲蓬萊遊觀侈靡窮妙極麗

雖頗割其三垂以贍齊民然至羽獵甲車戎馬器械儲待禁
禦所營尚泰奢麗誇詡非堯舜成湯文王三驅之意也又恐
後世復修前好不折中以泉臺故聊因按獵賦以風之其辭
曰或稱羲農豈或帝王之彌文哉論者云否各亦竝時而得
宜奚必同條而共貫則泰山之封焉得七十而有二儀是以
創業垂統者俱不見其爽遐邇五三孰知其是非遂作頌曰
麗哉神聖處於玄宮富既與地乎作訾貴正與天乎比崇齊
桓曾不足使扶轂楚嚴未足以爲駮乘狹三王之阨僻矯高
舉而大興歷五帝之寥廓涉三皇之登闕建道德以爲師友
仁義與之爲朋於是玄冬季月天地隆烈萬物權輿於內烈
落於外帝將惟田于靈之囿開北垠受不周之制以終始顯

項玄冥之統乃詔虞人典澤東延昆鄰西馳閭闔儲積共待
成卒夾道斬叢棘夷野草禦自沂渭經營鄠鎬章皇周流出
入日月天與地沓爾乃虎路三峻以爲司馬圍經百里而爲
殿門外則正南極海邪界虞淵鴻濛沆茫碣以崇山營合圍
會然後先置乎白楊之南昆明靈沼之東賁育之倫蒙盾負
羽杖鏌鋸而羅者以萬計其餘荷垂天之軍張竟壅之罟靡
日月之朱竿曳筭星之飛旗青雲爲紛虹蜺爲綴屬乎崑崙
之墟渙若天星之羅浩如濤水之波淫淫與與前後要遮攬
槍爲闐明月爲候榮惑司命天弧發射鮮扁陸離衍衍必路
徽車輕武鴻網捷獵殷殷軫軫被陵緣坂窮復極遠者相與
列乎高原之上羽騎營營分殊事續紛往來輻輳不絕若

音雷音虛

光若滅者布乎青林之下於是天子乃以陽晁始出乎玄宮
撞鴻鐘建九旒六白虎載靈輿出尤竝轂蒙公先驅立歷天
之旂曳捎星之旃霹靂烈缺吐火施鞭萃從沈澗淋漓廓落
戲八鎮而開關飛廉雲師吸陽瀟率鱗羅布列攢以龍翰啾
啾踏踏人西園切神光望平樂徑竹林蹂蕙圃踐蘭唐舉烽
烈火轡者施技方馳千駟狡騎萬師彪虎之陳從橫膠轕焮
拉雷厲驥駢駘音駘礧洶洶旭旭天動地吸羨漫半散蕭條數千
里之外若夫壯士忼慨殊鄉別趣東西南北騁嗜音嗜奔欲音欲地倉
豨跋犀犛蹶浮麋斯巨狴搏玄猿騰空虛距連卷蹕天踰嬉
間間莫莫紛紛山谷爲之風焱林叢爲之生塵及至獲夷之
徒蹶松栢掌疾藜獵蒙籠麟輕飛履般首帶脩蛇鈎赤豹牽

善作駢

善作嗜

善作足

象犀躡巖院超唐陂車騎雲會登降闡藹秦華爲旒熊耳爲
綴木仙山還漫若天外儲與乎大浦聊浪乎宇內於是天清
日晏逢蒙列背羿氏控弦皇車幽暢光純大地望舒彌轡翼
乎徐至於上蘭移圍徙陣浸淫楚部曲隊堅重各案行伍壁
壘天旋神扶電擊逢之則碎近之則破鳥不及飛獸不得過
軍驚師駭刮野掃地及至罕車飛揚武騎聿皇蹈飛豹霜噴
陽追天寶出一方應駢聲擊流光野盡山窮囊括其雌雄沉
沈溶溶遙喙乎紘中三軍芒然窮穴闕與亶觀夫剽禽之繼
論犀兕之抵觸熊羆之挈獲虎豹之凌遠徒角裕題注賦疎
驚怖竟亡鬼失觸輻關脰安發期中進退履獲創淫輪表丘
累陵聚於是禽殫中哀相與集於靖寘之館以臨珍池灌以

岐梁溢以江河東瞰日盡西暢止涯隨珠和氏焯爍其陂玉
石替峯眩耀青熒漢女水滸恠物暗冥不可殫形玄鸞孔雀
翡翠垂榮王唯關關鴻鴈嚶嚶羣嬉乎其中唯嚶昆鳴鳧鷖
振鷺上下砰礚聲若雷霆乃使文身之伎水格鱗蟲凌堅冰
犯巖淵探巖排碕薄索蛟螭蹈獼獼據鼉鼉祛靈蠙入洞穴
出蒼梧乘鉅鱗騎鯨魚浮彭蠡目有虞方椎夜光之流離剖
明月之胎珠鞭洛水之宓妃餉屈原與彭胥於茲乎鴻生鉅
儒俄軒冕雜衣裳修唐典匡雅頌揖讓於前昭光振耀響忽
如神仁聲惠於北狄武誼動於南鄰是以旃裘之王胡貉之
長移珍來享抗手稱臣前入圍口後陳廬山羣公常伯楊朱
墨翟之徒喟然竝稱曰崇哉乎德雖有唐虞大夏成周之隆

何以侈茲夫古之觀東嶽禪梁基舍此世也其誰與哉上猶謙讓而未俞也方將上獵三靈之流下決醴泉之滋發黃龍之穴窺鳳凰之巢臨麒麟之圃幸神雀之林奢雲夢侈孟諸非章華是靈臺罕徂離宮而輟觀遊土事不飾木功不雕蒸人乎農桑勸之以弗怠儕男女使莫違恐貧窮者不徧被洋溢之饒開禁苑散公儲創道德之圃弘仁惠之虞馳弋乎神明之囿覽觀乎羣臣之有仁放雉兔收冒罟麋鹿芻蕘與百姓共之蓋所以臻茲也於是醇洪鬯之德豐茂世之規加勞三皇勗勤五帝不亦至乎乃祇莊雍穆之徒立君臣之節崇賢聖之業未遑苑囿之麗遊獵之靡也因廻軫還衡背門房反未火

長楊賦 并序

楊雄

明年上將大誇胡人以多禽獸秋命右扶風發民入南山西自褒斜東至弘農南陝漢中張羅網罟罟不捕熊羆豪豬虎豹狁獾狐兔麋鹿載以檻車輸長楊射熊館以網爲周法縱禽獸其中令胡人手搏之自取其獲上親臨觀焉是時農民不得收歛雄從至射熊館還上長楊賦聊因筆墨之成文章故藉翰林以爲主人子墨爲客卿以諷其辭曰

子墨客卿問於翰林主人曰蓋聞聖主之養民也仁霑而恩洽勤不爲身今年獵長楊先命右扶風左太華而右褒斜椽嶽薛而爲弋紆南山以爲罟羅千乘於林莽列萬騎於山隅帥軍躡陸錫戎獲胡搃熊羆拖豪豬木擁槍纍以爲儲胥此

天下之窮覽極觀也。雖然亦頗擾于農人。三旬有餘。其虛卒矣。而功不圖。恐不識者。外之則以爲娛樂之游。內之則不以爲乾豆之事。豈爲民乎哉。且人君以玄默爲神。澹泊爲德。今樂遠出。以露威靈。數搖動。以疲車甲。本非人主之急務。蒙竊惑焉。翰林主人曰。吁。客何謂茲邪。若客所謂。知其一。未覩其二。見其外。不識其內也。僕嘗倦談。不能一一其詳。請略舉其凡。而客自覽其切焉。客曰。唯唯。主人曰。昔有彊秦封豕其土。竄竄其民。鑿齒之徒。相與磨牙而爭之。豪俊麤沸。雲擾羣豸。爲之不康。於是上帝眷顧高祖。高祖奉命順斗極。運天關。橫巨海。漂崑崙。提劍而叱之。所過靡城。擄邑。下將降旗。一日之戰。不可殫記。當此之勤。頭蓬不暇梳。饑不及餐。鞮鞞生蟣。虱

介冑被露汗。以爲萬姓請命乎。皇天乃展民之所屈。振民之所乏。規億載恢帝業。七年之間。而天下密如也。逮至聖文。隨風乘流。方垂意於至寧。躬服節儉。綈衣不弊。革鞜不穿。大厦不居。木器無文。於是後宮賤瑇瑁。而疏珠璣。却翡翠之飾。除雕琢之巧。惡麗靡。而不近斥芬芳。而不御抑止。絲竹宴衍之樂。憎聞。鄭衛幼眇之聲。是以玉衡正而太階平也。其後僊鬻作虐。東夷橫叛。羌戎睚眦。閩越相亂。遐氓爲之不安。中國蒙被其難。於是聖武勃怒。爰整其旅。乃命驃衛。紛紜沸渭。雲合電發。焱騰波流。機駭逢蟲。軼疾如奔。星擊如震。霆碎輻輳。破空廬。腦沙幕。余吾遂躡乎王庭。驅橐駝。燒燎蠶。分芻單于。磔裂屬國。夷抗谷。拔鹵莽。刊山石。蹂屍輿。斷係累。老弱吮劍。癩

奢金鏃淫夷者數十萬人皆稽顙樹領扶服蛾伏二十餘年
矣尚不敢惕息夫天兵四臨幽都先加迴戈邪指南越相夷
靡節西征羌棘東馳是以遐方疏俗殊鄰絕黨之域自上仁
所不化茂德所不綏莫不踴足抗首請獻厥珍使海內澹然
永亡邊城之災金革之患今朝廷純仁遵道顯義殫包書林
聖風雲靡英華沈浮洋溢八區普天所覆莫不沾濡士有不
談王道者則樵夫笑之意者以爲事閭隆而不殺物靡盛而
不虧故平不肆險安不忘危乃時以有年出兵整輿竦戎振
師五柞習馬長楊簡力狡獸投武票禽乃萃然登南山瞰烏
弋西厭月躡東震日域又恐後代迷於一時之事常以此爲
國家之大務淫荒田獵陵夷而不禦也是以車不安朝日未

靡旃從者彷彿散屬而還亦所以奉太尊之烈遵文武之度
復三王之田反五帝之虞使農不輟耰工不下機婚姻以時
男女莫違山愷悌行簡易矜劬勞休力役見百年存孤弱帥
與之同苦樂然後陳鐘鼓之樂鳴鞀磬之和建碣磬之虞夏
擊鳴球掉八列之舞酌允鑠肴樂胥聽廟中之雍雍受神人
之福祐歌投頌吹合雅其勤若此故眞神之所勞也方將俟
元符以禪梁父之基增泰山之高延光于將來比榮乎往號
豈徒欲淫覽浮觀馳騁秣稻之地周流梨栗之林蹂踐芻蕘
誇詡衆庶盛狃獲之收多麋鹿之獲哉且盲者不見咫尺而
離婁燭千里之隅客徒愛胡人之獲我禽獸曾不知我亦已
獲其王侯言未卒墨客降席再拜稽首曰大哉體乎允非小

人之所能及也乃今日發矇廓然已昭矣

射雉賦 并序

潘岳

余徙家于琅邪其俗實善射聊以講肄之餘暇而習嫖擊之

事遂樂而賦之也
涉青林以游覽兮樂羽族之羣飛聿采毛之英麗兮有五色
之名翬厲耿介之專心兮參雄豔之姱姿巡丘陵以經畧兮
畫墳衍而分畿於是青陽告謝朱明肇授靡木不滋無草不
茂初葦蔚其曜新陳柯槭以改舊天泱泱以垂雲泉涓涓而
吐溜麥漸漸以擢芒雉鷩鷩而朝雉矚矚箱籠以揭驕睨驍媒
之變態奮勁散以角槎騰悍日以旁睽鶯綺翼而赫摠灼繡
頸而袞背鬱軒翥以餘怒思長鳴以效能爾乃濠場挂翳停

僮蔥翠綠栢參差文翻鱗次蕭森繁茂宛轉輕利衷料尺以
徹鑿表厭躡以密緻恐吾游之晏起慮原禽之罕至日疲心
於企想分倦日以寓視何調翰之喬桀邈疇類而殊才候扇
舉而清哢野聞聲而應媒褰微啓以長眺已踉蹌而徐來攜
朱冠之艷赫敷藻翰之陪鯁首葑綠素身批黼繪青鞞莎靡
丹臆蘭絳或蹶或啄時行時止斑尾揚翹雙角特起良遊呢
嚙引之規裏應叱愕立擢身竦峙捧黃閒以密殼屬剛挂以
潛擬倒禽紛以送落機聲振而未已山驚悍害森迅已甚越
壑凌岑飛鳴薄凜鯨牙低鋌心平望審毛體摧落霍若碎錦
逸羣之雉擅場挾兩櫟雌妬異倏來忽往忌上風之發切畏
映日之儻朗屏發布而累息徒心煩而伎憊伊義鳥之應斷

嗽攫地以厲響彼聆音而逕進忽交距以接壤彤盈窻以美
發紛首頽而噫仰或乃崇墳夷靡農不易墾穉菽叢棘翳蒼
葦葦鳴雄振羽依於其冢捫降丘以馳敵雖形隱而草動瞻
挺稊之傾掉意恣躍以振踊嗽出苗以入場愈情駭而神悚
望厲合而翳鼎雉胛肩而旋踵倣余志之精銳擬青巖而點
項亦有目不步體邪眺旁別靡聞而驚無見自鷲周環迴復
繚繞盤辟戾翳旋把縈隨所歷行于中輟馥焉中鏘前別重
膺傍截疊翻若夫多疑少決膽劣心狷內無固守出不交戰
來若處子去如激電闕問藹葉幘歷乍見於是算分銖商遠
邇揆懸刀騁絕伎如轆如軒不高不埤當味值胃裂膝破齧
夷險殊地馴麤異變爰不暇食夕不告勸昔賈氏之如臯始

解顏於一箭醜夫爲之改貌憾妻爲之釋怨彼遊田之致獲
咸乘危以馳驚何斯藝之安逸嗟禽從其已豫清道而行擇
地而住尾飾鑣而在服肉登俎而承御豈惟阜隸此焉君舉
若乃耽盤流遁放心不移忘其身恤司其雄雌樂而無節端
操或虧此則老氏之所誠而君子之所不爲

北征賦

班彪

余遭世之顛覆兮罹填塞之厄災舊室滅以丘墟兮曾不得
乎少得遂奮袂以北征兮超絕迹而遠遊朝發軔於長都兮
夕宿瓠谷之玄宮歷雲門而反顧望通天之崇崇乘陵岡以
登降息郇邠之邑鄉慕公劉之遺德及行葦之不傷彼何生
之優渥我獨離此百殃故時會之變化兮非天命之靡常登

赤須之長坂。入義渠之舊城。忿戎王之淫狡。穢宣后之失貞。
嘉秦昭之討賊。赫斯怒以北征。紛吾去此舊都兮。騁遲遲以
歷茲。遂舒節以遠逝。指安定以爲期。涉長路之縣縣兮。遠紆
回以杳流。過泥陽而大息。悲祖廟之不修。釋余馬於彭陽兮。
且弭節而自思。日晡晡其將暮兮。覩牛羊之下來。寤怨曠之
傷情兮。哀詩人之歎時。越安定以容與兮。遵長城之漫漫。劇
蒙公之疲民兮。爲彊秦乎築怨。捨高亥之切憂兮。事蠻狄之
遼患。不耀德以綏遠兮。顧厚固而繕藩。首身分而不寤兮。猶
數功而辭誓。何夫子之妄說兮。孰云地脈而生殘。登障隧而
遙望兮。聊須臾以婆娑。閔獯鬻之猾夏兮。弔尉印於朝那。從
聖文之克讓兮。不勞師而幣加惠。父兄於南越兮。黜帝號於

尉佗。降九杖於藩國兮。折吳淠之逆邪。惟太宗之蕩蕩兮。豈
曩秦之所圖。濟高平而周覽兮。望山谷之嗟哦。野蕭條以蒼
蕩。迢千里而無家。風森發以飄飄兮。谷水灌以揚波。飛雲霧
之杳杳。涉積雪之皚皚。鴈邕邕以羣翔兮。鷓鴣鳴以嘒嘒。遊
子悲其故鄉兮。心愴悵以傷懷。撫長劔以慨息兮。泣漣落而
霑衣。攬余涕以於邑兮。哀生民之多故。夫何陰晴之不陽兮。
嗟久失其平度。諒時運之所爲兮。求伊鬱其誰懋。亂曰。夫子
固窮遊藝文兮。樂以忘憂。惟聖賢兮。達人從事有儀則兮。行
止屈申與時息兮。君子履信無不居兮。雖之蠻貊何憂懼兮。

東征賦

曹昭

惟末初之有七分。余隨子兮東征。時孟春之吉日兮。撰良辰

而將行乃舉趾而升輿兮夕予宿乎偃師遂去故而就新兮
志愴悵而懷悲明發曙而不寐兮心遲遲而有違酌樽酒以
弛念兮喟抑情而自非諒不登巢而琢蠶兮得不陳力而相
追且從眾而就列兮聽天命之所歸遵通衢之大道兮求捷
徑欲從誰乃遂往而徂逝兮聊遊目而遨覽歷七邑而觀覽
兮遭鞏縣之多艱望河洛之交流兮看成臯之旋門既免脫
於峻嶮兮歷滎陽而過武卷食原武以息足宿陽武之桑間
涉封丘而踐路慕京師而竊歎小人性之懷土兮自書傳而
有焉遂進道而少前兮得平丘之北邊入匡郭而追遠兮念
夫子之厄勤彼衰亂之無道兮乃困畏乎聖人悵容與而久
駐兮忘日夕而將昏到長垣之境界察農野之居民睹蒲城

之丘墟兮生荆棘之榛榛惕覺悟而顧問兮想子路之威神
衛人嘉其勇義兮迄於今而稱云遺氏在城之東南兮民亦
尚其丘墳唯令德為不朽兮身既歿而名存惟經典之所美
兮貴道德與仁賢吳札稱多君子兮其言信而有徵後衰微
而遭患兮遂陵遲而不興知性命之在天由力行而近仁勉
仰高而蹈景盡忠恕而與人好正直而不回兮精誠通於明
神庶靈祇之鑒照兮祐貞良而輔信亂曰君子之思必成文
兮盡各言志慕古人兮先君行止則有作兮雖其不敏敢不
法兮貴賤貧富不可求兮正身履道以俟時兮修短之運愚
智同兮靖恭委命唯吉凶兮敬慎無息思嘆約兮清靜少欲
師公綽兮

西征賦

潘岳

歲次玄枵月旅蕤賓丙丁統日乙未御辰潘子憑軾西征自
京徂秦迺喟然歎曰古往今來邈矣悠哉寥廓忽恍化一氣
而甄三才此三才者天地人道唯生與位謂之大寶生有修
短之命位有通塞之遇鬼神莫之要聖智弗能豫當休明之
盛世兮託非薄之陋質納旌弓於鉉台讚庶績於帝室嗟鄙
夫之常累固既得而患失無柳季之直道佐士師而一黜武
皇忽其升遐八音遏於四海天子寢於諒闇兮百官聽於冢
宰彼負荷之殊重兮雖伊周其猶始窺七貴於漢庭譁一姓
之或在無危明以安位祗居逼以示專陷亂逆以受戮匪降
禍之自天孔隨時以行藏遽與國而舒卷苟蔽微以繆章患

過辟之未遠悟山潛之逸士卓長往而不反陋吾人之拘纒
飄萍浮而蓬轉察位備其隆替名節准以隳落危素卵之累
歲甚玄鷲之巢慕心戰懼以兢悚如臨深而履薄夕獲歸於
都外宵未中而難作匪擇木以棲集歎林焚而鳥存遭千載
之嘉會皇合德於乾坤弛秋霜之嚴威流春澤之渥恩甄大
義以明責反初服於私門皇鑒揆余之忠誠俄命余以未班
牧疲人於西夏攜老幼而入關丘去魯而顧歎季過沛而涕
零伊故鄉之可懷疚聖達之幽情矧匹夫之安土邈投身於
鎬京猶犬馬之戀主竊託慕於闕庭眷輦洛而掩涕思纏縣
於墳塋爾乃越牛樂過街郵秣馬臯門稅駕西周遠矣姬德
興自高辛思文后稷厥初生民率西水澍化流岐幽祚隆昌

發舊邦維新旋救野而歷茲愈守柔以執競夜申且而不寐
憂天保之未定惟泰山其猶危祀八白而餘慶鑿亡王之驕
淫竄南巢以投命坐積薪以待然方指日而比盛人度量之
乖舛何相越之遼迥考土中于斯邑成建都而營築既定鼎
于郊廓遂鑽龜而啓繇平失道而來遷繫一國而是祐豈時
王之無僻賴先哲以長懋望罔北之兩門感號鄭之納惠討
子頽之樂禍尤闕西之效戾重戮帶以定襄弘大順以霸世
靈壅川以止鬪晉演義以獻說若景悼以迄巧政凌遲而彌
李俾庶朝之構逆歷兩王而干位踰十葉以逮赧邦分崩而
爲二竟橫噬於虎口輸文武之神器淥孝水而滌纓嘉善名
而在茲天赤子於新安坎路側而瘞之亭有千秋之號子無

七旬之期雖勉勵於延莫實憐慟乎余慈聃山川以懷古悵
攬轡於中塗虐項氏之肆暴坑降卒之無辜激秦人以歸德
成劉后之來蘇事洄洑而好還卒宗滅而身屠經澗池而長
想停余車而不進秦虎狼之彊國趙侵弱之餘燼超入險而
高會杖命世之英蘭耻東瑟之偏鼓提西缶而接刃辱十城
之虛壽奄咸陽以取雋出申威於河外何猛氣之咆勃入屈
節於廉公若四體之無骨處智勇之淵偉方鄙吝之忿憤雖
改日而易歲無等級以寄言當光武之蒙塵致王誅于赤眉
異奉辭以伐罪初垂翅于迴谿不尤肯以掩德終奮翼而高
揮建佐命之元勳振皇綱而更維登峻坂之威夷仰崇嶺之
嗟峨臯託墳於南陵文違風於北阿寒哭孟以審敗襄墨鏡

而授戈會隻輪之不反練三帥以濟河值庸主之矜復始建
叙於朝市任好綽其餘裕獨引過以歸已明三敗而不黜卒
陵晉以雪耻豈虛名之可立良致霸其有以降曲峭而憐號
託與國於亡虞貪誘賂以賣鄰不及臘而就拘垂棘反於故
府屈產服于晉輿德不建而民無援仲雍之祀忽諸我徂安
陽言陟陝鄂行乎漫瀆之口憇乎曹陽之墟美哉邈乎茲土
之舊也固乃周邵之所分二南之所交麟趾信於關雎騶虞
應乎鵲巢愍漢氏之剝亂朝流亡以離析卓滔天以大滌劫
宮廟而遷迹俾萬乘之盛尊降遙思於征役顧請旋於僮汜
旣獲許而中惕追皇駕而驟戰望玉輅而縱鏑痛百寮之勤
王咸畢力以致死分身首於鋒刃洞胷腋以流矢有塞裳以

投岸或攘袂以赴水傷桴楫之編小撮舟中之掬指升曲沃
而惆悵惜兆亂而兄替枝末大而本披都偶國而禍結臧札
飄其高厲委曹吳而成節何莊武之無耻徒利開而義閉躡
函谷之重阻看天險之衿帶跡諸侯之勇怯算嬴氏之利害
或開關以延敵競遁逃以奔竄有噤門而莫啓不窺兵於山
外連雞互而不棲小國合而成大豈地勢之安危信人事之
否泰漢六葉而拓畿縣弘農而遠關厭紫極之閑敞甘微行
以遊盤長傲資於栢谷妻親貌而獻餐疇匹婦其已泰胡厭
夫之謬官昔明王之巡幸固清道而後往懼銜際之或變峻
徒御以誅賞彼白龍之魚服挂豫且之密網輕帝重于天下
奚斯漸之可長弔戾園於湖邑諒遭世之巫蠱探隱伏於

明委讒賊之趙虜加顯戮於儲貳絕肌膚而不顧作歸來之
悲臺徒望思其何補紛吾既邁此全節又繼之以盤桓問休
牛之故林感徵名於桃園發閔鄉而警策遡黃巷以濟潼眺
攀岳之陰崖覲高掌之遺蹤憶江使之反壁告亡期於祖龍
不語怪以徵異我聞之於孔公慍韓馬之大憝阻關谷以稱
亂魏武赫以霆震奉義辭以伐叛彼雖歟其焉用故制勝於
廟算殄揚桴以振塵縵瓦解而冰泮超遂遁而奔狄甲卒化
爲京觀倦狹路之迫隘軌崎嶇以低仰蹈秦郊而始闢豁爽
塏以宏壯黃壤千里沃野彌望華實紛敷桑麻條暢邪界褒
斜右濱沂隴寶雞前鳴甘泉後涌面終南而背雲陽跨平原
而連嶓冢九峻截薛太一寵從吐清風之膠戾納歸雲之鬱

翦南有玄灞素滄湯井溫谷北有清渭濁涇蘭池周曲浸決
鄭白之渠漕引淮海之粟林茂有鄠之竹山挺藍田之玉班
述陸海珍藏張敘神臯奧區此西賓所以言於東主安處所
以聽於憑虛也可不謂然乎勁松彰於歲寒貞臣見於國危
入鄭都而抵掌義桓友之忠規竭股肱於昏主赴塗炭而不
移世善職於司徒緇衣弊而改爲履犬戎之侵地疾幽后之
詭惑舉僞烽以沮眾淫嬖褒以縱慝軍敗戲水之上身死鄜
山之北赫赫宗周威爲亡國又有繼於此者異哉秦始皇之
爲君也傾天下以厚葬自開闢而未聞匠人勞而弗圖俾生
埋以報勤外離西楚之禍內受牧豎之焚語曰行無禮必自
及此非其效歟乾坤以有親可久君子以厚德載物觀夫漢

高之興也。非徒聰明神武，豁達大度而已也。乃實懷終追，篤誠救愛，澤靡不漸，恩無不逮。率土且猶弗遺，而況於鄰里乎。而況於卿士乎。于斯時也，乃募寫舊豐，制造新邑。故社易置，枌榆遷立，街衢如一。庭宇相襲，渾雞犬以亂放，各識家而競入。籍合怒於鴻門，沛跼踰而來。王范謀害而不許，陰授劍以約莊。擗白刃以萬舞，危冬葉之待霜，履虎尾而不噬。實要伯於子房，樊抗憤以卮酒，咀彘肩以激揚。忽蛇變而龍據，雄霸上而高驤。曾遷怒而橫撞，碎玉斗其何傷。嬰胷組於軹塗，投素車而肉袒。疎飲餞於東都，畏極位之盛滿。金墉鬱其萬雉，峻嶸峭以繩直。斥飲馬之陽橋，踐宣平之清曲。都中雜遝，戶千人億。華夷士女，駢田逼側。展名京之初儀，卽新館而蒞

職。勵疲鈍以臨朝，勗自彊而不息。於是孟秋爰謝，聽覽餘日。巡省農功，周行廬室。街里蕭條，邑居散逸。營宇未署，肆塵管庫。蕞芮於城隅者，百不處一。所謂尚冠，修成黃棘。宣明建陽，昌陰北渙。南平皆夷，漫絳蕩亡其處。而有其名。爾乃階長樂，登未央。汎太液，凌建章。縈駁娑而欵駘，盪欒枌而轢承光。徘徊桂宮，惆悵柏梁。鷺雉鳴於臺陂，狐兔窟於殿傍。何黍苗之離離，而余思之。忒忒洪鐘，頓於毀廟。乘風廢而弗縣，禁省鞠爲茂草。金狄遷於霸川，懷夫蕭曹。魏邴之相辛，李衛霍之將衛。使則蘇屬國，震遠則張博望。教敷而彝倫敘，兵舉而皇威暢。臨危而智勇奮，投命而高節亮。暨乎稔侯之忠孝，淳深陸賈之優游。宴喜長卿淵雲之文，子長政駿之史。趙張三

之尹京定國釋之之聽理汲長孺之正直鄭當時之推士
童山東之英妙賈生洛陽之才子飛翠綏拖鳴玉以出入禁
門者歟矣或被髮左衽奮迅泥滓或從容傳會望表知裏或
著勲績而嬰時戮或有大才而無貴仕皆揚清風於上列垂
令聞而不已想珮聲之遺響若鏗鏘之在耳當音鳳恭顯之
任勢也乃熏灼四方震耀都鄙而死之日曾不得與夫十餘
公之徒隸齒名才難不其然乎望漸臺而扼腕梟巨猾而餘
怒揖不疑於北闕軼檣里於武庫酒池鑒於商辛追覆車而
不寤曲陽僭於白虎化奢淫而無度命有始而必終孰長生
而久視武雄畧其焉在近惑文成而溺五利侔造化以制作
窮山海之奧祕靈若翔於神島奔鯨浪而失水曝鱗骼於漫

之載井歎尸韓之舊處丞屬號而守闕人百身以納贖豈
命之易投誠惠愛之洽著訐望之以求直亦余心之所惡思
夫人之政術實幹時之良具苟明法以釋憾不愛才以成務
弘大體以高貴非所望於蕭傅造長山而慷慨偉龍顏之英
主曾中豁其洞開羣善湊而必舉存威格乎天區亡墳掘而
莫禦臨掩坎而累椁步毀垣以延佇越安陵而無譏諒惠聲
之寂寞弔袁絲之正義伏梁劔於東郭訊景皇於陽丘奚信
譖而矜謹殞吳嗣於局下益發怒於一博成七國之稱亂翻
助逆以誅錯恨過聽而無討茲沮善而勸惡此孝元於渭壘
執奄尹以明貶褒夫君之善行廢園邑以崇儉過延門而責
成忠何辜而為戮陷社稷之王章俾幽死而莫鞠汰淫嬖之

凶恣勦皇統之孕育張舅氏之姦漸貽漢宗以傾覆刺哀主
於義域僭天爵於高安欲法堯而承禪永終古而不刊瞰康
園之孤墳悲平后之專繫歿厥父之篡逆蒙漢耻而不雪激
義誠而引決赴丹燭以明節投宮火而焦糜從灰燼而俱滅
鶩橫橋而旋轉歷敝邑之南垂門磁石而梁木蘭兮構阿房
之屈奇疏南山以表闕倬樊川以激池役鬼備其猶否矧人
力之所爲工徒斲而未息義兵紛以交馳宗祧汙而爲沼豈
斯宇之獨隳由僞新之九廟誇宗虞而祖黃驅吁嗟而妖臨
搜佞哀以拜郎誦六藝以飾姦焚詩書而面墻心不則於德
義雖異術而同亡宗孝宜於樂遊紹衰緒以中興不獲事於
敬養盡加隆於園陵兆惟奉明邑號千人訊諸故老造自

沙隕明月以雙墜擢仙掌以承露干雲漢而土至致邛笏
奚難惟余欲而是恣縱逸遊於肉觚絡甲乙以琢翠忍生民
之減半勒東岳以虛美超長懷以遐念若循環之無賜較面
朝之煥炳次後庭之倚靡壯當熊之忠勇深辭輦之明智衛
鬢髮以光鑒趙輕體之纖麗咸善立而聲流亦寵極而禍侈
津便門以右轉究吾境之所暨掩細柳而撫劍快孝文之命
帥周受命以忘身明戎政之果毅距華蓋於壘和案乘輿之
尊轡肅天威之臨顏率軍禮以長擅輕棘霸之兒戲重條侯
之倨貴索杜郵其焉在云孝里之前號惘輟駕而容與哀武
安以興悼爭伐趙以徇國定廟筭之勝負扞矢言而弗納反
推怨以歸咎未十里於遷路尋賜劍以刎首嗟主闇而臣媿

禍於何而不有。窺秦墟於渭城，冀闕緬其堙，盡覓阼殿之餘。
基裁峻嶮，以隱嶙。想趙使之抱壁，瀏睨楹以抗憤。燕圖窮而
荆發，紛絕袖而自引。筑聲厲而高奮，狙潛鈔以脫臙。據天位
其若茲，亦狼狽而可愍。簡良人以自輔，謂斯忠而鞅賢。寄苛
制於捐灰，矯扶蘇於朔邊。儒林填於坑，穿詩書燭而爲煙。國
滅亡以斷後，身刑轅以啓先。商法焉得以宿黃犬，何可復牽
野蒲變而成脯，苑鹿化以爲馬。假讒逆以天權，鉗奴口而寄
坐。兵在頸而顧問，何不早而告我。願黔黎其誰聽，惟請死而
獲。可逮子嬰之果決，敢討賊以紓禍。勢土崩而莫振，作降王
於路左。蕭收圖以相劉，料險易與衆寡。羽天與而弗取，冠沐
猴而縱火。貫三光而洞九泉，曾未足以喻其高下也。感市門

詢隱王母之非命，縱聲樂以娛神。雖靡率於舊典，亦觀過
知仁。憑高望之陽隈，體川陸之污隆。開襟乎清暑之館，遊日
乎五柞之宮。交渠引漕，激湍生風。乃有昆明池乎其中，其池
則湯湯汗汗，滉漾瀾漫。浩如河漢，日月麗天。出入乎東西，且
似陽谷。夕類虞淵，昔豫章之名字，披玄流而特起。儀景星於
天漢，列牛女以雙峙。圖萬載而不傾，奄摧落於十紀。擢百尋
之層觀，今數仞之餘趾。趾振鷺于飛鳧，躡鴻漸乘雲頡頏。隨流
澹澹，灩灩驚波。唼唼菱芡，華蓮爛於綠沼。青蕃蔚乎翠瀨，伊
茲池之肇穿，肄水戰於荒服。志勤遠以極武，良無愛於後福。
而菘蔬芣實，水物惟錯。乃有瞻平原陸，在皇代而物土。故毀
之而又復，凡厥寮司。旣富而教，咸帥貧惰。同整檝，灌收畧課。

獲引繳舉效鰓夫有室愁民以樂徒觀其鼓柷廻紉灑鈞投
罔垂餌出入挺必來往織經連白鳴根厲響貫鯉尾擊三
牽兩於是弛青鯤於網鉅解頰鯉於黏微萃魴躍鱗素鱖揚
鬢雍人縷切鑿刀若飛應刃落俎霍霍霏霏紅鮮紛其初載
賓旅竦而遲御既餐服以屬厭泊恬靜以無欲迴小人之股
爲君子之慮爾乃端策拂茵彈冠振衣徘徊鄩鎬如渴如飢
心翹慙以仰止不加敬而自祇豈三聖之敢夢竊十亂之或
希經始靈臺成之不日惟鄩及鄩仍京其室庶人子來神降
之吉積德延祚莫貳其一永惟此邦云誰之識越可略聞而
難臻其極子贏鋤以借父訓秦法而著色耕讓畔以閑田沾
姬化而生棘蘇張喜而詐騁虞芮愧而訟息由此觀之士無
常俗而教有定式上之遷下猶鈞之埏埴雖五方雜會風
溷淆情農好利不昏作勞密邇儉狃戎馬生郊而制者必割
實存操刀人之升降隨政隆替仗信則莫不用情無欲則賞
之不竊雖智不能理明不能察信此心也庶免夫戾如其禮
樂以俟來哲

